


# 大清會典


四十三





內閣文庫	漢書
一八九九	類
二四九	冊
二九函	架

內閣文庫	漢書
一八九九	類
二四九	冊
二九函	架

內閣文庫	
番號	漢 1899
冊數	141( 43)
函號	295 1







大清會典卷之四十九

禮部

淺草文庫

婚禮

皇帝大婚。先遣官祭告

天地

太廟。

皇帝御殿發冊。命使奉迎。其禮至重。至親王公主。以及品官士庶。婚娶之制。上下有等。內外有別。茲備著於後

大婚禮

順治八年

行納采禮

鞍馬十匹

盔甲十副

緞一百疋

布二百疋

金茶筒一具

銀盆一圓

行大徵禮

黃金二百兩

白金一萬兩

金茶筒一具

金盆一圓

銀盆一圓

銀桶一具

銀茶筒一具

緞一千疋

布二千疋

鞍馬二十匹

馱甲二十副

常等甲三十副

發冊奉迎

前期一日遣官各一員祭告

天地

太廟。是日早。鑾儀衛官陳鹵簿大駕於

太和殿前。設

皇后儀仗於

皇后邸前。禮部官設黃案於院內正中。

置冊寶盞於案上

設黃案一於正案之東。又設黃案一於

太和殿內正中。設綵亭二於

太和門外階下。內院官禮部堂官朝服。以次捧冊寶。由御道入殿。置黃案上。奏請

皇上陞殿。

上具禮服。御

太和殿。閱冊寶畢。內院官捧冊寶。授冊封使臣。使

臣跪受。由御道捧出。禮部堂官前導。至

太和門外。置各綵亭內。校尉舉亭。冊前寶後。前排

御仗二對。由

協和門出。詣

皇后邸。

上還宮。遣親王奏請

皇太后幸

位育宮。

皇太后乘輿。陳儀仗。作樂。至

協和門。儀仗停候

上出宮。步迎於

太和門內。

皇太后輿由

太和殿御道陞宮。○冊封使臣至

皇后邸。后父率親屬朝服出迎

皇后同母等朝服迎於院內序立。封使捧

冊寶由中道入。置所設東案上。宣讀官西向立。宣冊寶文。次第捧授侍左二女官。女官跪接。恭

獻

皇后。

皇后就跪次第恭受。轉授侍右二女官。女官跪接。置

正中案上各盞內。

皇后興。望

闕行六拜三跪三叩頭禮畢。

皇后陞輿。女官捧冊寶盞。仍置綵亭內。儀仗鼓樂前

導。至

協和門。儀仗停止。

交內執事人役

二女官捧冊寶盞前行。

皇后輿由御道入。至

太和殿階下。

皇后降輿。由御道入宮。○是日鑿儀衛。陳

皇上鹵簿大駕於

太和殿前。教坊司設樂如常儀。諸王文武各官俱

朝服。齊集於

太和殿前。兩翼序立。禮部堂官奏請

皇上陞殿。

上具禮服御

中和殿率諸王入宮。於

皇太后前行三跪九叩頭禮畢。後御

中和殿。諸王出。俱復原位立。禮部堂官奏請

皇上陞殿。

上御太和殿。鳴鐘鼓。作樂。陞座。樂止。鳴鞭。賜后父親

屬。及諸王羣臣筵宴。宴畢。諸王群臣各就拜位

行一跪三叩頭禮。不贊鳴鞭。

上還宮。衆皆出。○是日。公主以下。郡君以上。王妃以

下。輔國將軍夫人以上。民公命婦以下。都統尚

書命婦以上。齊集宮內。候

上於

皇太后前行禮畢。出御

中和殿後。

皇后率王妃等朝見

皇太后。行六拜三跪三叩頭禮畢。

皇后還宮。

皇太后賜后母及公主王妃命婦等筵宴。宴畢。

皇太后乘輿還宮。

上送至

太和門內。還宮○第三日。諸王率文武各官上表。行慶賀禮。

上御

太和殿行禮。如常儀。頒

詔天下

給賜

皇后父母禮

黃金一百兩

白金五千兩

緞五百疋

布一千疋

金茶筒一具

銀桶一具

銀盆一圓

鞍馬六匹

盔甲一副

撒袋一副

弓矢全

夏朝衣各一襲

夏衣各一襲

冬朝衣各一襲

冬衣各一襲

貂裘各一領

上等玲瓏帶一束

刀全

給賜后兄弟及隨從人等服物有差

十一年。

大婚禮。納采大徵發冊奉迎儀注。俱與八年同○

第三日諸王率文武各官。進表行慶賀禮。頒

詔天下。是日。



皇太后儀仗陳於

慈寧門外。

皇后儀仗陳於右翼門外。

皇后乘輿。率公主王妃大臣命婦等。由右翼門詣

皇太后宮。奏請

皇太后陞座。

皇太后禮服御宮。作丹陛樂。

皇后朝見。行六拜三跪三叩頭禮畢。公主王妃大臣

命婦。俱進宮筵宴。宴畢。

皇太后還宮。

皇后還宮。公主等俱退

康熙四年

行納采禮

鞍馬十匹

盛甲十副

緞一百疋

布二百疋

擇吉。遣禮部堂官。內務府總管官為使。俱朝服

奉齋至

皇后第。主婚者朝服出迎於大門外。使臣陳禮物於

庭內。陳馬於庭外。授主婚者。主婚者跪受訖。率

子弟壻

闕謝

恩。行三跪九叩頭禮。

命免婦女謝恩

是日。

命三公主。三輔臣命婦。俱便服。內大臣侍衛。各旗民

公以下。武官二品以上。滿漢文官侍郎以上。俱

朝服。各詣

皇后第。設納采筵宴

行大徵禮

於發冊前一日舉行

黃金二百兩

白金一萬兩

金茶筒一具

銀茶筒二具

銀盆二圓

緞一千疋

鞍馬二十匹

馱甲二十副

馬四十匹

遣禮部堂官內務府總管官為使。俱朝服奉齋至

皇后第。主婚者朝服出迎於大門外。使臣陳禮物於

庭內。陳馬於庭外。授主婚者。主婚者跪受訖。次

授給賜后祖父母父母衣服。各跪受訖。后祖父

率子弟於庭之南。后祖母率諸婦於庭之北。望

闕謝

恩。如常儀

發冊奉迎儀。與順治八年同。惟

欽遣奉迎命婦四員前導。七員後隨。

皇后受冊寶行禮畢。欽天監占候官報吉時。

皇后陞輿。四命婦捧冊寶盃。仍置綵亭內。冊前寶後。

四命婦於寶亭後乘馬前導。七命婦乘馬於輿

後護行。鑾儀衛陳儀仗車輅。教坊司鼓樂前導。

欽遣內大臣侍衛俱朝服隨行。由

大清中門入。行御道。至

午門外儀仗停止。

交內執事人役

皇后輿由中門入。至

太和殿階下。內大臣侍衛俱退。

皇后降輿。內監捧冊寶盃前導。由御道入。至

中和殿。奉迎十一命婦俱退。恭侍十命婦便服預

候殿前迎接。前導後隨。

皇后入中宮。內監將冊寶盃授宮內守寶內監。

上具禮服。詣

太皇太后宮

皇太后宮行禮。如常儀。

命諸王以下。都統尚書以上。禮及內大臣侍衛。免隨行禮。

畢還宮。○是日。

皇上陞太和殿。賜

皇后親屬及諸王百官筵宴畢。輔臣命婦集于  
慈寧宮。

皇太后詣

太皇太后宮筵宴。

命免公主王妃以下。大臣命婦以上會宴。

至酉時。宮內設

合巹筵宴。

上及

皇后行合巹禮。○次日。內務府總管官傳諭內監。奏

請

皇后詣

太皇太后宮。

皇太后宮。行朝見禮。

命免公主王妃等。及大臣命婦隨行禮。禮畢。

皇后還宮。○第三日。王等率文武各官。進表行慶賀

禮。

上御殿行禮。如常儀。頒

詔天下

親王婚禮

崇德間定。親王行納幣禮。珍珠金銀花綴粧緞  
蟒緞。緞袍褂裙。共九襲。蟒緞。緞衾褥。七床。金項  
圈一具。金大簪小簪各三枝。金耳墜全副。金戒  
指十枚。定婚日。設宴五十席。娶日。設宴六十席。

凡宴日親王以下。及大臣等。固倫公主親王妃以下。俱會宴。○納朝臣女。給女父蟒緞朝衣一領。帽帶靴全。給女母蟒袍褂裙各一件。金耳墜全副。鞍馬二匹。○納外藩王貝勒台吉等女。定婚行七九禮。用鞍馬。蓋甲。緞布。銀器等物。○以下俱同。筵宴。宰牲五九。次行聘禮。納外藩親王女。鞍馬十二匹。蓋甲十二副。閑甲二十四副。緞六十疋。布六百疋。銀桶。銀盆。銀茶桶。各一具。納外藩郡王女。鞍馬十匹。蓋甲十副。閑甲二十副。緞五十疋。布五百疋。銀桶。銀盆。銀茶桶。各一具。納外藩貝勒女。鞍馬

八匹。蓋甲八副。閑甲十六副。緞四十疋。布四百疋。銀桶。銀盆。銀茶桶。各一具。納外藩台吉女。鞍馬六匹。蓋甲六副。閑甲十二副。緞三十疋。布三百疋。銀盆。銀茶桶。各一具。娶日宴。宰牲七九。○外藩王貝勒台吉。及妃夫人等。送女來者。給夏衣各一襲。冬衣各一襲。貂裘各一領。鞵帶一圍。刀全。撒袋一副。弓矢全。蓋甲一副。鞍馬二匹。蟒緞三十疋。布二百疋。銀桶。銀盆。銀茶桶。各一具。隨從男婦。給賞三十人衣服有差。○凡女之兄弟來送。給時衣各一襲。

順治九年更定。親王婚娶。設宴日。親王以下。輔國公以上。民公侯伯以下。副都統侍郎阿思哈尼哈番以上。固倫公主親王妃以下。郡君貝子夫人以上。俱會宴。諸王公主等。婚家自行禮請。民公以下諸大臣。禮部傳集。納朝臣女。加給金二十兩。銀一千兩。自親王以下各官。爲未分家子。納婦。各照其父行禮。已分家子。仍依本身品級。

世子郡王婚禮

崇德間定。郡王行納幣禮。珍珠金銀花綴粧緞。蟒緞。緞袍褂裙共八襲。蟒緞。緞衾褥六床。金項

圈一具。金大簪小簪各三枝。金耳墜全副。金戒指八枚。定婚日。設宴四十席。娶日。設宴五十席。凡宴日。諸王大臣。及公主王妃等。會宴如親王例。○納朝臣女。給女父母服物。如親王例。○納外藩王貝勒台吉等女。定婚行禮筵宴。與親王同。次行聘禮。納外藩親王郡王女。與親王納外藩郡王女例同。納外藩貝勒台吉女。與親王納外藩貝勒台吉女同。娶日宴。宰牲七九。○外藩親王郡王。及妃。送女來者。給與衣物。並給女之兄弟。賞隨從男婦衣服。俱如親王例。外藩貝勒

台吉及夫人送女來者。給與時衣。貂裘。鞞帶。撒袋。鞍馬。如親王例。蟒緞。緞。二十五疋。布一百五十疋。銀桶。銀茶筒。各一具。隨從男婦。給賞二十五人。衣服有差。  
順治九年更定。世子郡王納妃。俱如親王例。納朝臣女。加給金十兩。銀七百兩。

貝勒婚禮

崇德間定。貝勒行納幣禮。珍珠。金銀花。緞粧緞。蟒緞。緞袍。褂裙。共七襲。蟒緞。緞衾褥五床。金項圈一具。金大簪。小簪各三枝。金耳墜全副。金戒

指六枚。定婚日。設宴三十席。娶日。設宴四十席。凡宴日。郡王以下諸大臣。及郡王妃以下。俱會宴。○納朝臣女。給女父蟒緞朝衣一領。帽帶靴全。給女母緞袍褂裙各一件。金耳墜全副。鞍馬一匹。馬一匹。○納外藩王貝勒台吉等女。定婚行五九禮。筵宴宰牲三九。次行聘禮。用鞍馬八匹。盔甲八副。閑甲十六副。緞四十疋。布四百疋。銀桶。銀盆。銀茶筒。各一具。娶日。宴宰牲五九。○外藩親王郡王及妃。送女來者。給與衣物。併給女之兄弟。賞隨從人衣服。俱如親王例。外藩貝

勒台吉及夫人。送女來者。給時衣各一襲。貂裘一領。狍狸裘一領。鞵帶一圍。刀全。撒袋一副。弓矢全。鞍馬一匹。蟒緞。緞二十疋。布一百疋。銀茶筒一具。隨從男婦。給賞二十人。衣服有差。順治九年更定。貝勒婚娶。設宴日。郡王以下。輔國公以上。民公侯伯以下。都統尚書精奇尼哈番以上。郡王妃以下。貝子夫人郡君以上。俱會宴。諸王及王妃等。婚家自行禮請。民公以下諸大臣。禮部傳集。納朝臣女。加給金五兩。銀五百兩。貝勒以下行禮。禁用珍珠裝綴。

貝子婚禮

崇德間定。貝子行納幣禮。珍珠金銀花綴粧緞。蟒緞袍褂裙共六襲。蟒緞緞衾褥四床。金項圈一具。金大簪小簪各二枝。金耳墜全副。金戒指四枚。定婚日。設宴二十席。娶日。設宴三十席。凡宴日。貝勒以下大臣等。及貝勒夫人以下。俱會宴。○納朝臣女。給女父緞朝衣一領。帽帶靴全。給女母緞袍褂裙各一件。金耳墜全副。鞍馬一匹。○納外藩王貝勒台吉等女。定婚行三九禮。筵宴宰牲二九。次行聘禮。鞍馬六匹。盞甲六



副。閑甲十二副。緞三十疋。布三百疋。銀盆銀茶  
筩各一具。娶日宴。宰牲三丸。○外藩親王郡王  
及妃。送女來者。給與衣物。併給女之兄弟。賞隨  
從男婦衣服。俱如親王例。外藩貝勒台吉及夫  
人。送女來者。給與時衣各一襲。貂裘一領。狐裘  
一領。鞵帶一圍。刀全。撒袋一副。弓矢全。鞍馬一  
匹。蟒緞。緞十五疋。布七十疋。銀茶筩一具。隨從  
男婦。給賞十五人。衣服有差

順治九年更定。貝子婚娶。設宴日。貝勒以下。輔  
國公以上。貝勒夫人以下。輔國公夫人。縣君以  
上。及本旗副都統阿思哈尼哈番等官以上。俱  
會宴。貝勒及夫人等。婚家自行禮請。諸大臣禮  
部傳集。納朝臣女。加給銀四百兩

鎮國公婚禮

崇德間定。鎮國公行納幣禮。繡花粧緞蟒緞。緞  
袍褂裙共五襲。蟒緞緞衾褥四床。金項圈一具。  
金大簪小簪各二枝。金耳墜全副。金戒指四枚。  
定婚日。設宴十八席。娶日。設宴二十八席。○納  
朝臣女。給女父母服物。與貝子同。○納外藩王  
貝勒台吉等女。定婚行二九禮。筵宴宰牲二九。

次行聘禮。鞍馬五匹。盞甲五副。閑甲十副。緞二十五疋。布二百五十疋。銀盆銀茶筭各一具。娶日宴。宰牲三九。○外藩親王郡王及妃。送女來者。給與衣物。併給女之兄弟。賞隨從男婦衣服。俱如親王例。外藩貝勒台吉及夫人。送女來者。給與衣物。併給女之兄弟。給賞隨從男婦衣服。俱如貝子例。

順治九年更定。鎮國公婚娶。設宴日。貝子以下。奉國將軍以上。貝子夫人縣君以下。鄉君奉國將軍淑人以上。及本府屬員。俱會宴。婚家自行禮請。傳集。納朝臣女。加給銀三百兩。

輔國公婚禮

崇德間定。輔國公行納幣禮。繡花粧緞蟒緞。袍褂裙共四襲。蟒緞緞衾褥三床。金項圈一具。金大簪小簪各二枝。金耳墜全副。金戒指四枚。定婚日。設宴十六席。娶日。設宴二十六席。○納朝臣女。給女父母服物。與鎮國公同。○納外藩王貝勒台吉等女。定婚。行一九禮。筵宴宰牲二十九。次行聘禮。鞍馬四匹。盞甲四副。閑甲八副。緞二十疋。布二百疋。銀盆銀茶筭各一具。娶日宴。

宰牲三九。外藩親王郡王及妃。送女來者。給與衣物。併給女之兄弟。給賞隨從男婦衣服。俱如親王例。外藩貝勒台吉及夫人。送女來者。給與衣物。併給女之兄弟。賞隨從男婦衣服。俱如鎮國公例。

順治九年更定。輔國公婚娶。俱如鎮國公例。設宴日。鎮國公以下。奉國將軍以上。縣君鎮國公夫人以下。鄉君奉國將軍淑人以上。及本府屬員。俱會宴。婚家自行禮。請傳集。

鎮國將軍婚禮

崇德間定。鎮國將軍行納幣禮。緞衣三襲。緞衾褥二床。布衣一襲。布衾褥一床。金項圈一具。金簪二枝。金耳墜全副。定婚日宴。宰牲六。娶日。設宴十五席。

輔國將軍婚禮

崇德間定。輔國將軍行納幣禮。緞衣二襲。緞衾褥一床。布衣一襲。布衾褥一床。金項圈一具。金簪二枝。金耳墜全副。定婚日宴。宰牲四。娶日。設宴十席。

奉國將軍婚禮

崇德間定。奉國將軍行納幣禮。緞衣二襲。緞衾褥一床。布衣一襲。布衾褥一床。金簪二枝。金耳墜全副。定婚日宴。宰牲三。娶日。設宴八席。

宗室婚禮

崇德間定。凡宗室行納幣禮。緞衣一襲。布衣一襲。緞衾布褥一床。金耳墜全副。定婚日宴。宰牲二。娶日。設宴五席。○順治九年更定。宗室婚娶行禮。緞衣二襲。緞衾褥一床。金項圈一具。金耳墜全副。定婚日宴。宰牲二。娶日。設宴六席。

覺羅婚禮

崇德間定。覺羅婚娶。有職者各照品級用。無職者與庶民同。○順治九年更定。無職覺羅行納幣禮。緞衣二襲。緞衾褥一床。金項圈一具。金耳墜全副。定婚日宴。宰牲二。娶日。設宴五席。崇德間定。親王以下婚娶。如違定例多用者。多用之物入官。兩家俱議罪。○順治九年更定。王以下。公以上。凡奉

皇上賜婚者。俱朝服於中和殿。或於位育宮。謝

恩不贊。行三跪九叩頭禮。及成婚日。再行三跪九叩頭禮。○康熙元年定。王以下。入八分公以上。有婚嫁事。報明禮部具題。布改爲緞。餘俱照舊。

**公主婚禮**

崇德間定。公主下嫁於朝臣。定婚進

獻。用一九禮。

駝馬用駱

設宴七十席。行聘進

獻。用九九禮。

駝馬用駱

下嫁日。設宴九十席。如下

嫁外藩。止用牲酒。不設筵席。

**郡王婚禮**

崇德間定。親王女嫁於朝臣。進聘禮。馬十五匹。

鞍十五副。盃甲十五副。定婚日。嫁日。筵宴如親

王例。○嫁於外藩。王貝勒台吉等。定婚行七九

禮。

駝馬用駱

筵宴。宰牲五九。次行聘禮。馬六十四。

牛六十頭。羊六百隻。娶日。宴。宰牲七九。騰送侍

婢八名。男婦五戶。

順治九年更定。朝臣聘禮。馬七匹。鞍七副。盃甲

七副。

**縣主婚禮**

崇德間定。郡王女嫁於朝臣。進聘禮。馬十三匹。

鞍十三副。盃甲十三副。定婚日。嫁日。筵宴。如郡

王例○嫁於外藩王貝勒台吉等。定婚。行禮。筵  
宴。如親王女例。次行聘禮。馬五十匹。牛五十頭。  
羊五百隻。娶日宴。宰牲七九。賸送侍婢七名。男  
婦四戶  
順治九年更定。朝臣聘禮。馬五匹。鞍五副。盃甲  
五副

郡君婚禮

崇德間定。貝勒女嫁於朝臣。進聘禮。馬十一匹。  
鞍十一副。盃甲十一副。定婚日。嫁日。筵宴。如貝  
勒例○嫁於外藩王貝勒台吉等。定婚行禮。如  
親王女例。筵宴宰牲三九。次行聘禮。馬四十匹。  
牛四十頭。羊四百隻。娶日宴。宰牲五九。賸送侍  
婢六名。男婦三戶  
順治九年更定。朝臣聘禮。馬四匹。鞍四副。盃甲  
四副

縣君婚禮

崇德間定。貝子女嫁於朝臣。進聘禮。馬九匹。鞍  
九副。盃甲九副。定婚日。嫁日。筵宴。如貝子例○  
嫁於外藩王貝勒台吉等。定婚行禮。如親王女  
例。筵宴宰牲二九。次行聘禮。馬三十匹。牛三十

頭。羊三百隻。娶日宴。宰牲三九。賸送侍婢五名。男婦二戶。

順治九年更定。朝臣聘禮。馬三匹。鞍三副。盞甲三副。

鄉君婚禮

崇德間定。鎮國公女。輔國公女。嫁於朝臣。進聘禮。馬七匹。鞍七副。盞甲七副。定婚日。嫁日。筵宴。如鎮國公輔國公例。○嫁於外藩王貝勒台吉等。定婚行禮。如親王女例。筵宴。宰牲二九。次行聘禮。馬二十五匹。牛二十五頭。羊二百五十隻。

娶日宴。宰牲三九。鎮國公女。賸送侍婢四名。男婦二戶。輔國公女。賸送侍婢三名。男婦二戶。○順治九年更定。朝臣聘禮。馬二匹。鞍二副。盞甲二副。

順治九年定。凡奉

皇上賜婚公主郡主等。外藩王以下內外各官。俱朝服。於

中和殿。或於

位育宮。謝

恩。不贊。行三跪九叩頭禮。成婚日。再行三跪九叩頭

禮

康熙五年定。鎮國將軍輔國將軍女。嫁於外藩。媵送滿洲男婦二名。蒙古漢人男婦六名。奉國將軍奉恩將軍女。媵送不許用滿洲。止用蒙古漢人男婦六名。宗室女。媵送蒙古漢人男婦四名。○七年定。外藩親王女。媵送侍婢八名。男婦五戶。外藩郡王女。媵送侍婢七名。男婦四戶。外藩貝勒女。媵送侍婢六名。男婦三戶。外藩貝子女。媵送侍婢五名。男婦二戶。外藩鎮國公女。媵送侍婢四名。男婦二戶。外藩輔國公女。媵送侍

婢三名。男婦二戶。一等台吉他布囊以下。四等台吉他布囊以上女。係屬下人。媵女二口。家下人媵女六口。台吉等女出嫁。媵送侍婢。許增兩名。○八年定。凡奉

旨賜婚郡主以下者。謝

恩行禮。俱由禮部具題。○又定。出嫁郡主縣主。歸寧母家。有給人口者。不准給滿洲。准給蒙古漢人八名。出嫁郡君以下。鄉君以上。歸寧。准給蒙古漢人六名。出嫁鎮國將軍女以下。宗女以上。歸寧。准給蒙古漢人四名。



官民婚禮

崇德間定。超品公行納幣禮。緞衣五襲。緞衾褥

三床。布衣二襲。布衾褥二床。金項圈一具。金耳

墜全副。金簪四枝。定婚日宴。用牲十。娶日。設宴

二十五席

和碩公主額駙。為子娶婦禮同。

民公行納幣禮。緞衣四襲。緞衾褥二床。布衣一

襲。布衾褥一床。金項圈一具。金耳墜全副。金簪

三枝。定婚日宴。用牲八。娶日。設宴二十席

郡王額駙。

為子娶婦禮同。

都統精奇尼哈番尚書左都。行納幣禮。緞衣三

襲。緞衾褥二床。布衣一襲。布衾褥一床。金項圈

一具。金耳墜全副。金簪二枝。定婚日宴。用牲六。

娶日。設宴十五席

縣主額駙。為子娶婦禮同。

內大臣大學士副都統護軍統領前鋒統領侍

郎副都等官。行納幣禮。緞衣二襲。緞衾褥一床。

布衣一襲。布衾褥一床。金項圈一具。金耳墜全

副。金簪二枝。定婚日宴。用牲四。娶日。設宴十席

郡君額駙。為子娶婦禮同。

一等侍衛護衛叅領前鋒叅領學士郎中御史

等官。行納幣禮。緞衣二襲。緞衾褥一床。布衣一

襲。布衾褥一床。金耳墜全副。金簪二枝。定婚日。宴。用牲三。娶日。設宴八席。縣君額駙。為子娶婦禮同。

二。侍衛護衛佐領員外郎鳴贊等官。行納幣

禮。緞衣一襲。布衣一襲。緞衾布褥一床。金耳墜

全副。定婚日。宴。用牲二。娶日。設宴六席。鄉君額駙。為子

娶婦禮同。

三。侍衛護衛等官。行納幣禮。緞衣一襲。布衣

一襲。緞衾布褥一床。金耳墜全副。定婚日。宴。用

牲二。娶日。設宴五席。

親軍校護軍校主事等官。行納幣禮。布衣二襲。

布衾褥一床。銀耳墜全副。定婚日。宴。用牲一。娶

日。宴。用牲三。

軍民人等。行納幣禮。布衣一襲。布衾褥一床。銀

耳墜全副。定婚日。宴。用牲一。娶日。宴。用牲二。

自超品公以下。至軍民人等。婚娶。若違定例。多

用者。多用之物入官。兩家俱議罪。

順治九年更定。民公。行納幣禮。緞衣五襲。緞衾

褥三床。金項圈一具。金簪三枝。金耳墜全副。定

婚日。宴。用牲九。娶日。設宴二十席。

侯。行納幣禮。與民公同。定婚日。宴。用牲八。娶日。

設宴十八席

伯。行納幣禮。與侯同。定婚日宴。用牲七。娶日。設宴十七席

一品官。行納幣禮。緞衣四襲。緞衾褥三床。金項圈一具。金簪三枝。金耳墜全副。定婚日宴。用牲六。娶日。設宴十五席

二品官。行納幣禮。緞衣三襲。緞衾褥二床。金項圈一具。金簪三枝。金耳墜全副。定婚日宴。用牲四。娶日。設宴十席

三品官。行納幣禮。與二品官同。定婚日宴。用牲三。娶日。設宴八席

四品官。行納幣禮。緞衣二襲。緞衾褥一床。金項圈一具。金耳墜全副。定婚日宴。用牲二。娶日。設宴六席

五品官。行納幣禮。與四品官同。定婚日宴。用牲二。娶日。設宴五席

六品以下官員。行納幣禮。與五品官同。定婚日宴。用牲二。娶日宴。用牲三

軍民人等。行納幣禮。衣一襲。衾褥一床。金耳環全副。定婚日宴。用牲一。娶日宴。用牲二

會典卷四十九  
康熙七年定。民公。行納幣禮。緞衣五襲。緞衾褥。四床。金項圈一具。金簪四枝。金耳墜全副。金戒指四枚。定婚日。設宴十六席。娶日。設宴二十六席。

侯。行納幣禮。緞衣五襲。緞衾褥三床。金項圈一具。金簪三枝。金耳墜全副。定婚日。設宴十三席。娶日。設宴二十席。

伯。行納幣禮。與侯同。定婚日。設宴十二席。娶日。設宴十八席。

一品官。行納幣禮。緞衣四襲。緞衾褥三床。金項圈一具。金簪三枝。金耳墜全副。定婚日。設宴十席。娶日。設宴十六席。

二品官。行納幣禮。緞衣三襲。緞衾褥二床。金項圈一具。金簪三枝。金耳墜全副。定婚日。設宴八席。娶日。設宴十二席。

三品官。行納幣禮。與二品官同。定婚日。宴用牲八。娶日。設宴九席。

四品官。行納幣禮。緞衣二襲。緞衾褥二床。金項圈一具。金簪三枝。金耳墜全副。定婚日。宴用牲七。娶日。設宴八席。

五品官。行納幣禮。與四品官同。定婚日。宴用牲  
六。娶日。設宴六席  
六品以下官員。行納幣禮。與五品官同。定婚日。  
宴用牲五。娶日。宴用牲七  
軍民人等婚娶行禮。俱與順治九年定例同

大清會典卷之四十九

